

ENCARA QUALQUES INFORMACIONS ADDICIONALAS SUL CONGRÈS

(DE LEGIR ABSOLUDAMENT)

1. AVERTIMENTS GENERALS

— Pregam los que presentan de comunicacions d'èsser presents dins la sala pro en avança de l'ora que lor es estada acordada, se per cas i aguèsse d'anullacions imprevistas.

— L'organizacion velharà al respècte escrupulós de l'emplec del temps. Totes los que presentaràn de comunicacions, seràn pregats de se'n téner a las vint minutas per lors intervencions.

— Totes los congressistas interessats de vesitar la Seu Vella de Lhèida pendent los jorns del congrès, deuràn mostrar son acreditacion de congressista a l'intrada d'aquel ensemble monumental. Vos rapelam que totes los participants al congrès de l'AIEO an drech d'i intrar a gratis pendent totes los jorns del congrès, mercé a la collaboracion del Consorci del Turó de la Seu Vella.

— En çò que concernís l'excursion a la Val d'Aran, los congressistas seràn recebuts al Conselh General d'Aran pel Sindic d'Aran e pels responsables del departament de la cultura del govèrn autonòm aranés. Se prevei que, pendent aquela escorreguda, pòscan tanben vesitar l'Ecomusèu de Joanchiquet de Vilamòs per conéisser un pauc mai la vida aranesa d'antan. Lo repais de l'excursion aurà luòc dins aquel vilatge del terçon de Lairissa, situat fàcia a Montlude, un dels soms mai coneguts de la Val d'Aran. A totes los participants a l'excursion, lor donam rendètzvos a 8 oras 30 davant lo Centre de las Culturas e de la Cooperacion Transfrontalièra de l'Universitat de Lhèida, es a dire davant lo sèti del congrès.

2. CAMBIAMENTS DE DARRIÈRA MINUTA QUE TÒCAN LO PROGRAMA E L'ORARI DE LAS COMUNICACIONS:

2.1 Diluns

— Nos regaudissèm de vos assabentar que lo III^{en} Prèmi Robèrt Lafont de la Generalitat de Catalonha es estat ganhat per un de nòstres congressistas, Jacme Taupiac. La remesa d'aquel prèmi aurà luòc lo diluns 16 de junh dins lo quadre de la Seu Vella, en seguida de l'omenatge a Robèrt Lafont. Sus demanda de la Generalitat de Catalonha, qu'es un dels principals partenaris del congrès, la comunicacion de Jacme Taupiac aurà pas luòc lo divendres 20 de junh, mas lo diluns 16 de junh, a 17 oras 40 dins l'Obrador 3.

2.2 Dimars

— La comunicacion de Jaume Vellvehí, qu'èra estada programada lo dimars 17 de junh a 9 oras dins l'Obrador 3, es estada anulada per de rasons professionalas. En consequéncia, aquel obrador començarà a 9 oras 25.

— La comunicacion de Viviane Cunha, qu'èra estada programada lo dimars 17 de junh a 10 oras 40 dins l'Obrador 2, es estada anulada per de rasons personalas de fòrça majora.

— Lo Grop de Teatre *Era Cabana* ven de nos assabentar qu'un de sos actors pòt pas èsser a Lhèida lo dimars de ser en seguida d'obligacions professionalas, e qu'aquò los empacharà de jogar la pèça prevista per aquel jorn, e donc de participar a nòstre congrès. A la plaça del teatre, l'organizacion vos prepausa donc de vialhar, a 20 oras del ser, un dels endreches culturals mai simbolic de la vila de Lhèida: son musèu. Lo Musèu de Lhèida recampa de centenats d'òbras d'una granda valor artistica, de l'epòca romana fins al Barròc en passant per l'Edat Mejana, e per ara a capitat de resistir a de temptativas qu'afustavan la fin de son integritat e que son estadas menadas après la separacion recenta de l'Evescat de Lhèida de las parròquias de la Franja de Ponent catalanofòna, en Aragon, en seguida de uèch sègles d'unitat. Vos donam rendètz-vos davant la pòrta principala del Centre de las Culturas e de la Cooperacion Transfrontalièra a 19 oras 45, tanlèu acabada la taula redonda que portarà sus la politica lingüistica de l'occitan en Catalonha.

2.3 Dijòus

— La comunicacion de Claudi Balaguer, qu'èra estada programada lo dijòus 19 de junh a 9 oras 25 dins l'Obrador 3, es estada anulada per de rasons professionalas.

— La comunicacion de Michel Costantini, qu'èra estada programada lo dijòus 19 de junh d'aprèsdinnar dins l'Obrador 1, es estada anulada per de rasons personalas de fòrça majora.

— La comunicacion de Guy Latry, qu'èra estada programada lo dijòus 19 de junh d'aprèsdinnar dins l'Obrador 2, es estada anulada per de rasons professionalas. En consequéncia, aquel obrador començarà a 16 oras 25.

2.4 Divendres

— A la plaça de la comunicacion de Jacme Taupiac del divendres 20 de junh d'aprèsdinnar, aurà luòc una comunicacion de Christian Lagarde, entitolada *Reflexions al torn de l'ensag* *Quin occitan per deman? d'Eric Fraj*.

2.6 Dissabte

— A 9 oras del matin, dins l'Obrador 1, que i èra pas prevista cap de comunicacion, aurà luòc la comunicacion de Franco Bronzat, entitolada *Lo diferent tractament de -s en posicion finala dins los parlars de las Valadas*.

— La comunicacion de Jaume Torró, qu'èra estada programada lo dissabte 21 de junh a 10 oras 40 dins l'Obrador 2, es estada anulada per de rasons personalas de fòrça majora.